

INUIT ATAQATIGIIT INATSIARTUNI



UPA2023/123
10. maj 2023
Eqaluk Høegh

**Naalakkersuisut inuit tarnimikkut nappaatillit amerlanerit aamma
ajuutillit ilinniakkaminnik aallareriikkaminnik
naamassinninnissaannut suliniuteqarnissaannik peqquneqassasut
Inatsisartut aalajangigassaannik siunnersuut. Tamanna ilaatigut
pisinnaavoq inuit peqannginnerusinnaanerit periarfissiissutigalugu
aamma ilinniarnertut sivilissusiat akuereriikkamit sivitsorlugut.**

(Inatsisartuni ilaasortaq Paneeraq Olsen, Naleraq)

Oqaaseqaat:

Paneeraq Olsen, Naleraq, siunnersuutinnut Inuit Ataqatigiit sinnerlugit
qutsavigaakkat.

Inuiaqatigiittut innuttavut tarnimikkut nappaatillit isiginiarnerusariaqarivut –
soorlu ilinniarnermik naamassinninnissaannut ikorfartornerullutigit
oqariartuuteqarputit.

Siunnersuutit isumaqatiginaqaaq – aamma atuarneqarsinnaasutut
misissorluakkamik tunngavilersorluakkamillu siunnersuutit imaqarpoq.
Tunngavilersuutinni uppersarpat nunatsinni tarnimikkut nappaatillit
ilinniarnertuunngorniarnertut, ilinniaqqiffinni aamma inuussutissarsutigalugu
ilinniarnertut – erseqqissumik tigussaanagerusumillu tarnimikkut nappaateqartut
pillugit nunatsinni politikkeqanngitsugut.

Ilinniarnertut nalaani tarnimikkut nappaateqarnertik peqqutigalugu
peqanngikulasarnerit - namminermi assigiinngitsunik tamanna peqquteqartoq
tunngavilersorpat. Tarnimikkut nappaateqarneq allatuulli nappaateqarnertut
isigineqartariaqarpoq. Inuk nappaateqarnini peqqutigalugu tamakkiisumik
suliassamik naamassinninnissaannigippat – soorunami nammineerluni
taamaannini pisuussutiginnigilaa.

Tarnimikkut nappaatillit ilinniartitaanikkut taama nappaateqarnertik pillugu
pitsaanagerusumik aqutissiuunneqartarnissaat – kiisalu ilinniakkaminnik
naamassinninnissaannik pitsaanagerusumik aqutissiuunneqartarnissaat pillugu
anguniagaqarnerit Inuit Ataqatigiinniit tapersorsorluinnarparput.

INUIT ATAQATIGIIT INATSIARTUNI



Nalunngisatsitut nunatsinni tarnimikkut nappaatillit ikiorserneqartarnerat annikippallaarujussuarpoq. Peqqinnissaqarfik aqutigalugu katsorsartinnissamik utaqqisut amerlaqaat – akermanillu tarnimikkut nappaatilinnut katsorsaasartut psykiaterit annertuumik amigaatigaavut. Pissutsit taamaatsillugit – soorunami tarnimikkut nappaatillit – matumanilu ilinniakkamik ingerlataqartut pillugit – annertunerusumik isiginiarneqartariaqarnerat ujartorpat – tamannalu oqarnittuut Inuit Ataqatigiinniit soorunami suleqataaffigissavarput.

Taama naatsumik siunnersuutit oqaaseqarfigisinnarlugu – ataatsimiitsitaliamut susassaartumut suliassanngorteqqinneqarnissaa innersuukkusupparput – isumaqaratta sammisarput pillugu Nuna tamakkerlugu ilitsersuisarfik – matumanilu Ilinniartunut Siunnersuisarfimmi tarnip pissusaagut siunnersuineq katsorsaanerlu neqeroortigisarmassuk – taakku misilittagaat sammisarpullu pillugu qanoq isumaqarnerat tusassallugu soqutiginaatilittut isigigatsigu.